

Dalij Ndwensam Gingjsaek Ndei Fanh Vunz Doxcomz Gai Ndwensam

大理三月好风光 万人齐聚三月街

□ Yenj Gijcih Cau Dwzfeih

Gingj gyaeu Dalij. (doz swhliu)



▲ Douhung gai ndwensam.



▲ Gaihmusiz biujyienj gwih max.



▲ Gyauhgijng yienhciegz son'gyauq lwgnyez gyaudoeng cihsiz.



▲ Bouxhek guekrog daeuj yawj aen gaihmsuz gai ndwensam.

4 nyied 11 hauh, ciet minzcuz gai ndwensam bi 2017 Yinznanz Swngj Dalij Bwzcuz Swcicouh youq Dalij haimuq, gaihmsuz yienhciegz yinx ndaej vunz lai dangdieg caeuq bouxhek ndaw guek rog guek baenz fanh vunz doxhwnj daeuj yawjngonz. Ciet minzcuz gai ndwensam Dalij bineix hopheux aen cawjdaez conzdungj "max doxdax, ciengq go, guh gaicawx, cimz gijgwn ndei", ciuq minzsuz conzdungj, haiguh minzcuz vwnzyi biujyienj, minzcuz max doxdax, siujsoq minzcuz diyyuz yindungvei, cien vunz heux Wjhaij doxdax gwih danci, vunz lai vunz dij hozdung, banh baij gai doxgaiq ndei doxgaiq moq 12 yienh si, baij gai doxgaiq lijyouz "Dalij laex ndei" nem baij gai gak cungj daegsaek doxgaiq daengj ginghci doxgyau hozdung.

Gai ndwensam yienhciegz, vunz lai vunz daih, vunz lai daij seiq mienh bet fueng daeuj haenx nem bouxhek ndaw guek rog guek, baenz bang baenz gyoengq, ndaej yawjngonz gij buhvaq minzcuz loeg henj hoengz daengj lai cungj lai yiengh saek haenx, yawjngonz gij ndangdaenj mbouj doxdoengz minzcuz.

"Hawciengz gai ywdoj", dwg aen diemjrongh he, hawciengz gai ywdoj gai ndwensam, yw lai, soqmoeg lai, hawj vunz haenh mbouj dingz.

Daiz doiq fwen ndeiyawj raix-caix, saimbwk faenmbiengj, mwngz cam gou dap, gij diuh Bwzcuz ndei riuz haenx haprwenz youq gwnzmbwn

gai ndwensam Dalij, engq gyalai gij vwnzva heiqaenh ngoenzciet minzcuz.

Max doxdax dwg gai ndwensam dieg cei q ndeiyawj he. Baez max doxdax gai ndwensam neix comz doihmax bouxgwihmax daij Baek-ging, Sinjyangz, Guengjdoeng, Gveicouh, Neimungz caeuq Gunh-mingz, Yanghgwlizlah, Dalij Couh, Wjyenz Yen, Genconh Yen, Yangbiz Yen, Siengzyinz Yen daengj dieg, gungh 16 aen doih camgya doxdax, 118 duz max. Doxidax gig haenq.

Gai ndwensam ndaej haenh baenz aen haw ndawbiengz cei q hung, cei q miz minzcuz vwnzva daegsaek, cei q gaeuqgeq Yinznanz Swngj. De mboujdan miz gij gaengawq cienzgungj ndawbiengz, hix miz gij lizsij swhliu geiq, Dangz, Sung, Yenz, Mingz, Cingh, gij ginggvaq ligdaih gai ndwensam yienjbienq cungj miz lizsij swhliu caz ndaej. Ciuhdangz Nanzcaugoz seizgeiz, fatseng gienh saeh lizsij youqgaenj he, neix couhdwg Nanzcau daihroek daih vuengz Yi Mouzsinz youq Dangzdwzcungh Cinhyenz cib bi (gunghyenz 794 bi) caeuq Dangzcauz sijcinz Cuih Cojsiz youq aen coengceiz Denjcanghsanh dox raennaj gietmungz, laeb sawdiet yiengh ndeu sei q faenh, mieng caeuq Dangzcauz ciengxlwenx doxndei doxhuz. Gietmungz le, Yi Mouzsinz hawj beksingq Dalij rox, baez daengz ndwensam ngoenz cibhaj au youq gvjangcangz baihnaj aen

coengceiz doxcomz, mbouj ndaej lumz bae, dajneix couh miz le gai ndwensam. Yienghneix, gai ndwensam hix dwg gij guhcingq guekcoj doengjit caeuq minzcuz doxgiet.

Bi 1991, Dalij Couh Yinzda Cangzeijvei dawz gai ndwensam dingh baenz "ciet minzcuz Dalij Bwzcuz Swcicouh", binaengz lig-gaeuq ndwensam ngoenz cibhaj youq rog dou baihsae Singzgaeuq banh, guh 7 daengz 10 ngoenz. Seizneix, de mboujdan dwg aen haw gaicawx hoenghvuengh nem cei q gaeuqgeq Yinznanz baihsae, hix dwg ngoenzciet hoenghhwd ndawbiengz vwnzyi diyyuz doxgyau gak cuz beksingq Dalij Couh bi gvaq mbat haenx, gaenq baenz dieg gaicawx doxgaiq nangqdaengz 20 lai aen swngj si, lij dwg aen haw youqgaenj doiqrog haicuengq Dalij gak minzcuz guh vwnzva yisuz doxgyau, ciu canghseng'ei q yinx ngaenzcienz, dinfwngz doxgap daengj.

"Cien bi ok haw he, haw he ok cien bi". Ciuq gaisau, lai bi daeuj, Dalij Couh gaenq ndaej aen cwnghueh sei qgyai q diciz gunghyenz, gizdieg gingjsaek okmingz guekgya gaep, gizdieg swyenz baujhoh guekgya gaep, aen singz okmingz lizsij vwnzva daengx guek, aen hawsingz lijyouz maenhndei Cungguek, aen hawsingz cei q miz yinx Cungguek, aen hawsingz youqndwi lijyouz cib ndei Cungguek daengj.



▲ Gaihmusiz guh vwnzyi biujyienj.



▲ Song gvanbaz caez bae cawx dujdwzcanj.



▲ Mehmbwk bouxsai doiq fwen.



▲ Geij dahsau Lizensuz caen gyaeunde.